



春藹堂集卷之二

貴州石阡府知府前誥授奉政大夫戶部湖廣司郎中奉

命監督寶泉局通橋灣



香泉小藹卷之二

題鏡面箋

豐腴欲擬柔荑似滑膩還同粉箨新醉裏含毫高  
興發尚書應為讓精神



北臺和友

莫誇詩思瀉流泉瘦聳吟肩兩似鳶擬學陶公還  
種柳多慚茂叔未栽蓮陰成嘉樹宜消夏靜隔躡  
塵別有天坐久頓忘當世事語人長聽鳥清圓

趙八莊橋下石臺坐酌

草茂泉清石作臺三年塵胃此中開柳迎兩岸相  
高下儵泳輕波倏往來欸語微吟消白晝酒杯棊  
局席青苔何曾幽邃無尋處要趁秋涼醉幾回

其二

招提蕭寂傍虹梁森森清溪玩晚涼啟戶忽逢詩  
客到繞牀惟覺野花香戀莎睡鴨藏迴浦開網得  
魚歸淺塘薄醉頻催羹就熟更呼村醕與同嘗

九日北臺登高同徐虞門進士賦

重陽好風日嘉會集賢才名讓陳蕃著人迎徐穉  
來黃花疎對酒白雁引登臺藻思抽新詠珊瑚筆  
架開

次虞門韻

粉飾休稱十八鬟西風又惜鬢毛班客來訪古堅  
冰渡書拙應羞落羽山僻地種花何淡漠佳時落  
帽且蕭閒笑將酪酏酬新句欲繼清思不可攀

途次即事

道上行人各自歸東風飄雨濕人衣埜墳幾個棠  
梨樹開過清明漸已稀

其二

麥穗騷騷雨後生暖雲輕燕弄新晴何須遊賞花  
時節一片農疇自有情

張登村外

張登村外石橋閒最愛漣漪水半灣岸草綠邊鷗  
獨去堤楊濃裏鴨羣閒誰爲勝友尋幽築自有郎  
峯媚遠山不費幾多堪五柳擬將塵事一齊刪

西河村即事

出郭因公事悲秋感物華蕭疎荒磧樹寒澹野牆  
花晚晷停餘照窮邨住幾家長懷漢光武功業委  
塵沙

醉後在清苑署中作

寫盡荆溪一刀紙使君高卧未曾醒與闌吾亦將  
歸矣分付明朝罄酒餅

其二

說道興闡猶未闡研磨還作墨波瀾小詩畫出狂  
奴態如此人難做俗官

祁山男妓鄭櫻桃行酒口占示座客

石家小妓過雲歌客有多情不奈何酒醖正濃燈  
未炧分陰此夕莫蹉跎

其二

絲管紛紛日未虛翩躚舞蝶戲游魚香風數里香  
泉路醉後花前盡不如

壬申臘月保定歸途值雪

旅館燈殘後闌山凍合初夢因雞唱醒牕以雪光  
虛嬾起催行役徐看整騎輿舞空多靉靄拂面有

瓊琚

其二

漸午微陽見雲陰亦復收有花俱著樹無地不宜  
舟窗入霓裳夢渾迷白鴈秋森森向前路寂寂轉  
清幽

次韻祖武清見懷之作

研田筆塚久榛蕪大雅風流賴子扶跬步棲遲猶  
枳棘宦情落拓任江湖離人離恨吟何限秋雨秋  
雲夢不殊若到瘦槐軒畔立蕭疎景物似倪迂

書蔡司馬卷子畢因題

西風吹入樹陰涼染翰閒成幾十行却被知音催

我急今來翻比簿書忙

其二

古今上下幾千年記載能書有數賢筆底傳心無  
二理怕人參入野狐禪

其三

八分已後不中鋒此論人間尚未窮或折或藏神  
妙處要知真訣古今通

深州勘荒自孫李莊登舟東南歷田家角  
一片綠楊環曲水幾家茅屋似漁村扁舟到處情  
何限猶有青旗列酒尊

由田家角至小李莊

屬武邑

棗梨林下鷗羣立蘆荻洲邊燕子飛別出洪流從  
北去滔滔盡向武強歸

歷大小呂邑至王寧村

小民疾困幾能蘇又遇今年夏澇多千頃波濤翻  
作淚萬家黍稷釀成湖

滹滏水溢恒山郡邑被災甚衆余奉檄委  
勘深州泛舟上下二十餘里至吐露口

得長句

康熙三十三年

極目滄桑望裏收有懷擊楫在中流盡看禾黍波  
心沒頗怪鷗鳧水面浮豈是皇天勤布雨果然陸  
地可行舟盈虛消息何常事換却江南數十州

江時

浙以大旱入告

偶作

紙牕風氣曉多寒無事圍爐展卷看斟酌葡萄自  
消遣誰知胸次十分寬

其二

世情翻覆見風波靜裏平觀更覺多我不容心將  
奈汝揶揄問汝欲如何

其三

日光近午漸成暄獨步怡情出小軒春意欲萌人  
未覺先機誰爲補籬籬

題自書後示姪鉤

腕力相須指力多中間靈氣豈消磨默通造化斯  
無敵領會其如後學何

其二

一番寒暑一番天進境真如面壁禪踏雪看花隨  
我意眼前風物盡鮮妍

保定金邵度卜居唐城入真定之便過訪

花間草堂不值漫賦

聞說唐堯有古城卜居草木值初春尚憐詩酒風  
情在偷向紅塵覓故人

其二

曬藥臺邊幾行樹

唐城有仙人晒藥臺

柴門斜出是君家鳳字

欲題題不得正當雛鳳啄桐花

金子不遇見其二子

其三

草堂暫入拂征衣四壁圖書鄴架圍二子止吾具  
雞黍丈人荷蓀未曾歸

其四

龍泉幾載結幽棲癖愛吟詩獨杖藜詩比少陵風  
調古龍泉合署浣花溪

唐城北有龍泉繞城

其五

先公白簡舊知名賊難孤撐保定城不負監軍投  
井死只今嗚咽痛泉聲

邵度尊公諱毓峒以明御史監李建泰軍闖賊圍保定公起義守城李建泰通

賊城陷公投井殉節

其六

短策勞勞四海人相逢誰念草堂貧養成鷺鴨頻  
須數酒熟還能會里隣

未用金子句

其七

郡中四壁老吾宗詩筆貧來不自容同出忠貞傳  
令子一時河北兩人龍

邵度爲藹公文執藹公乃余宗兄故及之

其八

愧列含香我欲行將離時節不勝情片言契合成  
千古松柏應同歲晚盟

清風店題壁

王程如砥向南開密密郵亭與堠臺不似迢遙荒

澀地一村過了一邨來

明月店題壁

區區邑宰亦何功甌釜塵魚自屢空主聖臣良太  
平世但看明月與清風

過慶都張令君早食二首

冬春氣候已相交早見微黃著柳梢樹與人同經  
歲月鬢邊白髮漫蕭蕭

其二

行色駸駸遶路塵東風送暖入初春望都恰遇張  
明府雞黍盤餐待故人

張登旅次步吳天章家韋之絕句韻



樹迴征馬嘶風急雲薄秋衫怯雨停漬墨忽看牆  
上字故人雪裏亦曾經

其二

趙北京南我兩人因緣筆墨果然真聞君已得姚

州牧好耐南行萬里塵京南草堂韋之別業嘗讀書其中癸酉七月廿一日自保定回憇張登旅次有

吳天章及家韋之題壁二詩一見慰懷即步其韻他日天章韋之再過又當色喜必復有作却成一段故事也天章詩云三年抱犢山中住我亦香泉兩月停破冢不須求筆法牙籤檢出翰林經韋之詩云與君自是一家人筆墨尋來義倍真不料張登詩在壁喜狂喚落滿頭塵子庚午過此題壁云重巖高隱會天機隸體精研入道微上谷我思王次仲翻山秀舉白雲飛韋之所題蓋指此詩香泉在深澤城中子自署香泉翁

題紅白瓶梅畫

月姊啼粧倚薄綃隨肩桃靨小姑娘嬌先春似怕人  
愁寂結伴雙尋碧綺寮

其二

被寒酒醒漏初移覺有香來月下遲水部吟成幽  
夢接絳脣雪頰最相宜

求夏姪聞母病還宜興不與曲宴賦此送之

博陵曾記一年遊鼓國初為廿日留正擬竹林長

坐嘯却因萱草攪離憂春帆南岳江東夢宜興舊居有南岳山

夜火西牕趙北州嚙指最憐婦思切一尊難強對

歌謳

晉州登龍岡在州東一里

獨立高臺萬古心憑將老眼寄登臨人依鼓聚隨  
煙散水改滹沱關地深魏相勲名勞想像蕭王甲

鏃久消沈阿誰料理循環事捲耳東風過柳林

春雪晉州官舍

也是閒身管物華畫堂人靜獨歸衙茅檐欲待千  
村雨玉樹先開二月花寒色入雲禁社燕長風無  
地走飛沙當窻消受光明境漫滴蟾蜍灑墨斜

春遊

午天晴日景和融紫陌紅塵滾滾通草色芊芊迎  
庾信柳姿濯濯貌王恭水邊莫滿當春恨花下曾  
迷昨夜風直道芳菲奈怱悵斑駁不為過牆東

東郊次韻

花光明似繡岡阜宛如山麗景交相賞春姿媚可

攀飛和輕蝶舞醉竝老人顏好句因遊得文書出

郭刪

花下再題

隨意尋芳去花深徑欲迷花迷詩客醉春暖玉驄  
嘶綠柳凝秋水紅英藉軟泥新鶯在何處隔樹聽  
嬌啼

紀澤九中秘招賞芍藥

看花折簡寢興初十里城南興不孤衆卉敷榮時  
自得名元風雅世應殊綠楊影重餘春睡紅藥香  
清遣醉娛浩蕩有情天地外久貪高隱託潛夫

午睡

簾垂深閣篆香微涼展桃笙午睡肥怪底喧聲落  
檐樹濃陰山鷓教雛飛

小張公事歸途

忽有雲來雨陣疎斜穿樹隙濕衣裾肩輿煩暑頓  
清快正好消閒一卷書

祁州道上

榆柳清陰覆井牀南風五月叫蜩螿我行真爲村  
農喜綠樹中間麥盡黃

其二

收拾臨場麥已成如輪碾子帶牛行呀啞聽徹前  
村路恰似牧童橫笛聲

張登雨霽曉行

夜雨侵晨歇雲陰散未收遠霞初斂色殘月尚當  
頭高下樹逾綠清涼氣似秋揮鞭自茲去吾意即  
滄洲

曉雨

微覺朝來枕簟涼披衣獨起坐臨牕滿庭快雨知  
吾意竹樹陰中暑氣降

看竹

移種疎篁已四年成叢弄影綠牕前曉風涼雨時  
相對疑入瀟湘畫裏天

盆榴

五月煩陽日更明  
盆榴的爍數花生  
後開儘比先春好  
一點深紅正有情

玫瑰

曩憶西行過隴干  
房亭六月尚微寒  
一枝紫媚當牕色  
今日風前別樣看

廣陵弟以編脩擢侍講  
頒賜宸翰入直

南書房賦寄二首

十年鳳閣掌絲綸  
詞翰清新動至尊  
御筆親從宮內賜  
講官優拜殿中恩  
午餘下直窺花影  
晚際臨牕灑墨痕  
喜到畿南半千里  
容光分照萼不存

其二

念我饑驅四十霜  
漸衰無意理文章  
種花久分淹荒邑  
起草虛慚待省郎  
玉闕想飛雙鳥到  
金莖安得一杯嘗  
魚牋塵點渾餘事  
笑遣清陰夏日長

余十九學書夢送墨  
大小方圓數千笏  
如是者凡幾月故以名吾樓曰夢墨

吾生筆研結因緣  
辛苦臨摹擬拓傳  
曾有江淹夢中事  
天教篤好老能偏

觀調馬女郎

五月南風曉雨稀  
荷池猶未試紅衣  
佳人柳底閒調馬  
纔點凌波去似飛

臨帖後二絕

時花嫩草綠  
牕前夏雨流  
膏著意妍  
獨向簾間尋  
側理風情却自靜中傳

其二

彷彿風來筆下香  
風流宛轉出鍾王  
名花不解施朱粉  
明媚天生別樣粧

曉行

涼風吹雨過城西  
膺膺高原萬綠齊  
殘照開時分草樹  
黑雲深裏出虹霓  
露溥廣陌渾忘暑  
水漲平沙忽滿溪  
乘夜却尋村舍宿  
村農爲黍進黃雞

其二

滋河北去遶崔嵬  
夜氣濛濛撲袂涼  
四野暗蛩吟

草穩一鞭行騎戴  
星忙眼前樹黑窺  
無路鼻觀風傳覺  
有香欲越沙唐新漲下  
祁山不道隔滄浪

其三

長途當午畏炎精  
特攬輕鑣傍夜行  
樹影疊疑山突兀  
電光乍閃火通明  
池蛙磔格鳴全部  
斗柄橫斜指二更  
草榻一燈呼筆墨  
吟哦隨地有餘情

唐河水發曉起

黑雲閣雨暗長津  
綠樹連隄坐草茵  
暴水平添五六尺  
輕桴只渡兩三人  
魚迎急浪翻鱗去  
燕拂波花試羽新  
觸物尚憐行役在  
閑心曾未慰閑身

輿中

閒人笑我太勞勞我獨肩輿卧亦高一卷詩情消  
諷詠三杯酒興儘醅醕雨來遠岫露禾隴風入疎  
牕透葛袍怪底吏人知我意茅檐磨墨待濡毫

往安平作

夏雨連陰今日晴陂塘潦水抱東城亭臺宛若畫  
中出人物竟同湖上行積草綠邊天自遠亂蟬鳴  
處樹逾清風光幻作朝來景勾引詩狂十倍情

廷獻姪南歸賦此送之

眼中吾老矣軒舉望猶子爾才最靈爽爲學莫自  
止品須貴敦篤文何妨麗綺嚴君近即世庭誨尚  
可紀詩禮有藏書華年惜逝水勉力繼前猷家聲

勿終否大父謀窳安遺集猶未梓爾產乃中落我  
官亦貧仕我將遠赴闕爾今暫歸里葬事急助成  
重託期足恃臨歧囑此言不覺痛入髓策蹇雪載  
塗過江舟銜尾傍暖護榮枝迎風梅放藥遊囊雖  
苦薄稍以奉甘旨念我細瑣語區區有至理何日  
再出門一朝拾青紫慰我老人心抃手矍然起達  
人通世情佳兒履先軌慎毋泛營逐振興端在是  
愁緒千迴旋作詩道所以

題武清令祖夢巖小影

霜巖迴絕奈愁多荆棘芟除任斧柯踞得層巔支  
頷笑看他流盪作狂波

其二

晴江風色上輕衫萬仞秋巖坐  
夢巖悵與君三日別雍奴飛雪致  
歸函

臨蘭亭書後

臨罷蘭亭墨汁香閒情一榻到  
羲皇蟬聲入耳初無著自覺簾前  
白日長

雪浪齋重遊三絕句

心懷坡老益脣美一過須教一度  
來十四年前題壁字藉公勝地未  
莓苔

其二

亭中水石日清妍餘韻流風慕  
昔賢老子詩名非

太守小兒筆墨遜斜川

壁上有見  
泰題名

其三

哦松安邑為丞日剖竹蒲陰作宰  
時此際重遊滋太息葵紅柏翠再  
題詩

往自安邑泰差過此  
題壁已十四年矣

晚行

夕照流霞隔亂峯寒村煙靄晦  
濛濛愁隨款段經時遠獨問青帘  
遣暮棕

曉行

霜稜的爍映朝曦冷樹森沉出路  
蹊東去西來人又動不知多事五  
更鷄

村中

槐柳枯枝壓棗枝村中人語日高時尋常衣食尋常過說與風塵不得知

偶書八絕

泉蒙書學還成賦義獻家規早著圖畱與後來多不講自將筆墨亂雅塗

其二

黃公餘論嫻諸妙要錄精微更有傳說與空疎操翰子好從開卷一精研

其三

少師獨得神仙訣還有尚書逸少傳心慕手追誰比似後生竭力已無權

其四

篆筆誰將玉箸垂懸鉞還見指如槌折波戈法須當學重疊偏傍定有師

其五

可惜江東一腐儒十年爲吏苦疎迂簡書迫促荒前業何日山林得自娛

其六

寒宵醉興比狂僧筆力雄豪氣自增俯仰世間名輩在欲希斯逸我無能

其七

素師佶屈真難匹長史佯狂古所稀知得二公揮



運理當筵行狎庶精微

其八

南賢近數董尚書北學文安稍不如莫嘆風流今  
絕響傳山名在豈傳虛

奉懷淮上張讓三客安平

朋從遊處卽吾廬官柳經時葉漸疎愁裏風情平  
子賦醉餘草聖伯英書秋生南國江波濶夢繞西  
窻月色虛節物驚心夜如水博陵况是雁來初

其二

憶昔西遊玉井蓮山翁曾為說名賢欲尋漢碣窺

遺蹟

華山郭香漢隸王山史為予言有舊藏一本為張力臣所獲力臣讓三兄也

先贈奇書慰十年

顧亭林先生音學五書為力臣所刻讓三見

淮海論交偏咫尺

自

胎一部聲音之學得此書乃見古人面目

琅琊結契訝前緣

王沂菴任安平予相方代篆氣誼投合

壬戌知讓三昆仲今甲戌乃識於安平署中

過有約因何爽遂使陳蕃榻尚懸

秋曉赴段莊觀打魚還飲義塾二十韻

暑氣倏已退秋天特地涼研屏終日好珍簟此宵  
長清傍岬夷起勤翻竹簡光虛窻對修篠古鼎裊  
都梁忽報諸生啓因尋北郭莊朝曦雲澹掩僻路  
樹迷藏露冷菽花白風淒豆莢黃蘆開點野水蛩  
語出寒塘摘棗嘗丹實烹茄破紫囊廣文還並轡  
仙尉亦隨行挾子疑蘭渚攜甥若渭陽鼓郊晴爽  
朗濱岸落汪洋穀熟村多釀水深溪聚魴銀絲盤

獻鱠賢聖酒行觴潘岳傳花縣文翁立學堂古人  
勞企仰義理足維防鄉塾開蒙塞經師作表坊四  
年從邑政百里慕循良雍也敬斯可風乎點自狂  
陶然明府醉上馬趁斜陽

上谷冬夜同吳隣俞飲子萬伯氏歸寓有

作

半生寒兔弄鷄泉上馬東西孰後先夢醒轉思燈  
下語紛紛雲雨一潸然

其二

殘宵寂歷數更籌意塞愁膺不自休坐起披衣翻  
失笑要知何事是良謀

題祁州趙守像

天水傳來原妙筆仇池歸後更工詩閒亭好共沉

吟處正對天香月裏枝

趙前守  
秦州

其二

飄然纓冕邁時英治績優遊別寄情自有風流真  
趣在誰教相見頰毫生

自慶都還縣四首

杏樹陰陰倚作羣春來放藥散紅雲開花結子雖  
同樹幾箇青黃却自分

其二

飛沙忽地積成河日日風吹日日多日裏疑如見

波浪灘頭莫認是山阿

其三

忽過三春夏又來江南風雨作黃梅熟香蠶豈兼  
新笋更摘櫻桃與酒陪

其四

望都十日應皇華笑與王公送酒茶過却旌麾歸

縣去輿中睡醒日初斜

時皇長子祠西嶽還奉調協  
應奉命爲書西嶽碑一通

晉州登紅雲閣二絕

紅雲閣上倚危闌鼓國風煙入坐看一色清秋天  
萬里共吾胸次庶能寬

其二

眼前禾黍報秋成昨夜風傳候雁聲三載畿南勞  
苦吏今朝心跡喜雙清

堯母泉上作

孃孃垂楊帶曲阿飛飛輕燕拂清波人家傍岸柴  
門出客步尋幽日晚過種稻愛看新綠繞拋畝收  
得小魚多偶來採取塵中隙蕭散閑情付詠歌

其二

溪水滌澗背郭流乘涼樹底亦科頭綠蒲似劍叢  
叢長荇葉如錢疊疊浮世上幾人知累卵此中約  
我弄扁舟一簑煙雨悠然處野性天教狎白鷗

寄盧舜徒司馬

匆匆春事謝韶華萬里秋風雁影斜  
試上蘆溝橋上望懷人情思惱悲笳

保定道中

行輿緩緩度芳林燕語鶯啼上客心  
纔見桃花開又落青青杏葉已成陰

求夏姪自郊園摘花小飲

澹白輕紅惱亂春郊園朶朶摘來新  
花前酌酒燈前笑又是今年一度人

宿陳兒庄

滌潦秋屯下博城舊年曾記勘荒行  
依然燈火留人夕檐外霜寒月半明

長至日深州宿判官姪

有謙

衙齋

滿案文書忽就刪今朝乍得此身閒  
村邨霜雪年將換處處風塵客未還  
下博日逢添一線中山酒勸潤離顏  
題輿久重吾宗彥試手猶窺豹一斑

衡水偶成

忽作南遊去飄然戒遠裝鴻飛懷野渚  
客步敵晨霜物色同猶別人情異不妨  
滔滔天下是今日過

衡漳

冀州詠古

漫誇帝業剩雄圖只在天心判有無  
欲扶世祖存東漢遂使任光獻信都

岌岌炎劉勢就衰本初事業豈庸才何人戮力存  
王室只礙曹瞞一箇來

茫茫澤國斂寒冰西漢神州久陸沉斷碣尚餘張  
耳字不知還可值千金

### 冀州詠懷

雖知十事九成虛每過名都念未除四牧碑文傷

泯滅

曹魏丁紹後魏崔藏李平封隆之四碑皆冠絕

百花樓閣歎丘墟

宋守魯有開建

烏啼

荒鬣遲恭墓

在城北湖中央

人戲堅冰趙照渠

與葛滎坡相通在州城東南今皆水

快意欲尋河朔飲高蹤光祿復誰如

### 別新樂令蘭涯兄並寄金郤度

謬膺起草入承明兄弟初爲折柳行山自伏羲臺

外遠水依君子岸邊清

注水經云滏水及東經系丘北對君子岸

已牽謝客哦詩

夢更有汪倫送別情爲報長安故交道六年循吏

不居名

### 棗強署詠佛手柑

此物南方美柑名貴獨聞舟車載遠道几案散清  
芬不作拈花笑如披貝葉文旃檀空色相一氣自  
氤氳

### 七級曉行

暫把藤牕下輕輿勝小舟夜寒渾不覺睡穩復何  
求得路平於水藏身拙似鳩方離州邑累飄灑作  
南遊

大名贈傅巖姪時初罷官

鯁直難容事已非幾年真覺諫書稀  
模稜味道安榮祿排擊張綱伏禍機  
洺水一方瞻使節東山雙屐暫言歸  
填膺有恨憑誰雪獨賦驪駒入粉闈

叢臺懷古

漳滏東迴地氣靈邯山盡處列重城  
霸圖已往惟陳迹遊屐憑高漫有情  
刎頸交存卑巷古照眉影落小池清  
臨風慷慨發長嘯響答寥天過雁聲

邯鄲題黃梁祠壁

遠攬朝曦赴闕墀黃梁未熟夢何疑  
廿年假我功名事收斂身心拜本師

又絕句三首

西風古道撲黃塵寒樹蒼山見水亭  
一枕高眠猶未起盧生還是不曾醒  
竈邊炊火曉來紅變化曾歸一枕中  
若使人間都醒却應教天地返鴻濛  
世事懵騰不得均遂成暮楚復朝秦  
古今豈止邯鄲道多是盧生夢裏人

南和道中

客路塵駟未就刪田園幽事頗相關  
雞鳴曉聚煙初起稻熟清渠水自閒  
樂土偶逢襄子國晴嵐分得太行山  
誰知一片真風景却在邢洺趙魏間

拜唐宋文貞公墓有作公之後人名朝棟者藏有家譜居南和

賂入含章遍搢紳舉朝謝罪拜楓宸衣冠花萼樓

前立惟有文貞一箇臣

唐家相業推姚宋餘緒詞華亦擅場彩筆賦成千

載妙不須梅萼自芬芳

瘦削巋然魯國書方豪續立世焉知我來呵凍抄

題刻欲表明賢一段奇

燕許開元絕妙辭大書深刻復何疑誰知大曆顏

碑上更有邢州刺史碑贈邢州刺史宋范致君云公之祖也碑後題禮部尚書許國公名姓已缺吾斷

其為蘇頌筆也考家譜自文貞公以前皆不著亦無邢州刺史之文蓋因此碑字跡稍缺在宋時已為鄉民搥剝故遂略而失載然予觀其碑猶可讀已教朝棟以石灰塗碑則字畫顯著便可抄錄以傳不知其能行否也

### 唐山曉行

催喚輿徒出渚陽任縣也駸駸北去攬晨光古碑舊刻

堯山縣有元魏舊碑刻云惟斯文石長生孔子岡相傳孔子曾至此山

上有祠出錦石可為硯及屏几頗佳令尹多情賡宿餞唐山有干言山即詩所謂出宿于干飲餞于言者是

矣民風順則近陶唐游踪屢盡南三郡大名廣平順德為南三府唐山

為順德屬邑北境即真定府矣為寫新篇入錦囊

### 石人指路處

漢祚衰殘久遞遷石人猶自臥荒煙千秋亭畔徘徊

迴處彈指重經十七年

汜上何曾異鄗南由來馮鄧即何參後生却有曹

瞞出抵掌書生助劇談

安肅道上

不少旗亭共勸酬清郎忝竊赴 皇州迴思武遂  
津頭路十五年前是倦遊

香泉小詩 卷之二終

春藹堂集卷之三

貴州石屏府知府前 誥授奉政大夫戶部湖廣司郎中奉 命監督寶泉局通橋海鹽陳奕禧香泉

含香集卷之一

十月朔午門頒丙子曆

鳳曆裝成出紫宸午門向曉集羣臣盡收朔漠歸

躔度

科爾沁等二十四部落  
始注入日出度數之下

恰遇王正是立春

丙子元旦立春

御宇

久霑天浩蕩授時真見

帝精神廿年外吏叅朝籍也得今朝拜賜新

咏茉莉二首

潞水遙移到寓堂兩盆高壓雜花強閑心細較栽  
培法薄俸癡分什一償小架綠叢窺玉蕊晚簾雨



歇試新香病中每愛巡檐步風透絺衣特地涼

其二

正欲開時月又過獨將髣髴入清歌繡毬花拆飛  
春雪粉蝶衣輕點綠莎巧結銀絲孽艷密深藏綃  
帳受香多老夫自得閑情味六尺桃笙奈夢何

題翁康飴同曹畫扇二首

屋繞秋峯獨閉門幾林幽樹見霜痕風流好借仙  
郎筆寫出江南黃葉村

其二

一官未謝塵中事晚景常思靜裏山他日溪頭相  
約住不應多讓白雲閒

飲何倬雲同曹紫藤花下

蝶闌春又送一瞬韶華夢藤花午窻陰濕雲停紫  
鳳花下客同來談諧雜新故縱酒醉惜花花開自  
朝暮燕踏簾鉤語落花濛濛雨向晚背花歸明朝  
却塵土

遊興勝寺看杏花同諸君子

我來京華三四月惆悵粉闈空出入牽無公事勞  
案牒却有高朋共遊集書法人誇老入微詩情自  
笑窮來澀弘農太史吾邦賢一笑重逢十七年折  
簡招邀看花去各攜三百青銅錢酒壺肴榼咄咄  
辦輿騎絡繹城西偏行行漸覺離塵境春草萋迷

接煙景青林密樹芳逕曲瞥見牆頭數枝杏若非  
今日出郊坳如此風光誰管領少焉遊蹟經仙都  
嘉祥觀松排四株蟠蚪偃蓋儼揖客形勢依倚如  
攬扶數人下馬各憇息何意得此驚相呼稍西一  
里見土阜嘉木森森雜槐柳同遊指是摩訶芥杏  
花却繞精藍後有豪據之弗得入改途而北循牆  
走惠風十里暖平蹊蘭若深閨花放遲開戶老僧  
迎客笑諸公先後到來時始知宦者田君院猶有  
前朝故相碑果園今挂王家籍不禁三春看花屐  
好花開滿園中煙日午梢梢媚紅白孤亭四敞擷  
衆芳檐外飛嵐落几席是時羣賢皆散行物色和

暢天氣晴或臨高臺攬遠岫或倚曲檻舒幽情劇  
談或嫌酒琖窄品泉或就茶鑪烹揚吳惠狄文章  
彥唐趙姜錢才並擅軼羣更羨柯與宮就中查項  
吾尤善終朝繾綣竟忘歸爲惜春光易流轉昔傳  
好事上東門萬樹千枝別有村舊恨早隨襟袖散  
新愁誰喚落花魂唱酬聞有詩篇好虞揭風流尚  
可論歎息韶華多謝代古人往矣今人在彈指餘  
徽四百年勝遊興勝今應再共作新詩紀此遊也  
教後世知吾輩莎草芊綿信馬蹄城闈流水夕陽  
低幾重煙樹回頭處却笑招尋客又迷媿媿情言  
還自寫剪燈都付醉如泥

聞鴈

二年匏繫住神州節物驚心又及秋涼氣早飛山  
後雨霜風先帶楚南樓聲傳候雁初迴陣人望空  
天頓起愁只此往來禁不得也應白盡少年頭

宿寶泉菴中作

偶一親禪榻軒窗亦自清閒供花草色靜愛木魚  
聲積雨更初歇孤燈夜半明此心原共見何必證  
無生

兔兒山元氏舊物入明在西苑丙子秋遊

觀慨焉有作

太液池西一里餘兔園有路到金輦奇峰聳絕藏

瑤圃古檜陰多護玉除萬卷啓心存鹽戒

山半有鑿戒亭明時

築中藏書冊以備觀覽

一元體道入清虛

峯頂有殿曰清虛明世宗常登此修道

即今竟

放行人過想像勾陳擁帝居

其二

小山疊石尚嶙峋玉輦忘還更幾春磴道迎仙歸

鶴駕

山前有旋磨臺盤曲而上上有迎仙亭明時列宗常遊之

曲流噴水冷龍鱗

旋磨臺北有曲

流觀觀北有白玉盆盆中玉龍昂首水從龍口噴出潺流自南至觀前為流觴曲水又南入于池池繞旋磨臺四週白玉欄干猶完好盆中龍首則無矣蓋從鹽鑿戒亭以銅甕注水入山洞中復自龍口中出也 渾疑繡嶺宮前月竟是蓬萊

劫後塵振觸心情無可解悔從此地作遊人

題陸穎客小影

宣城諸葛風斯邈五嶺雞毛法不傳今代賴君精

擇手頓教斬斫轉能圓

其二

曾挾中山慰夢思

孔庭曾來安邑

虞州惜別廿年遲一鞭踏

破蘆溝月與爾重逢說舊知

臨八分書

小學今須入手明六書精晰乃知名偏傍挑疊能  
淹究分隸相承筆勢生

其二

分法分明兩派求烏氏並峙有陳畱方平蠟匾誰  
分得負譽吾為鄭氏羞

其三

歐虞分八篆無多顏柳三分準尾波後學此中能  
討論自然筆勢鬱嵯峨

詠美人蕉分得一東應僖郡王教

虞衡舊志出南中朱邨移來便不同翠扇半遮簾  
際影寶釵斜插髻邊紅纔題昨夢驚秋雨細展新  
愁寄蜀桐愛此晚芳清且瘦梁園畱得護持功

詠木芙蓉

葉比梧桐小花如菡萏新拒霜曾有句淨色最宜  
人晚閣臨斜照秋江帶白蘋鯉魚風自起分賦與  
傳神

同孔東堂何屺瞻汪文升家叔毅集紅蘭

室訂訪菊約分得十三覃應教

大言非詭競相參兀坐紅蘭像一龕調寡未須歌

白雪子與此瞻論書上下古今不期而合立說為時所怪人清直是對晴嵐熱中簪

組吾何戀癖事鉤稽性所耽送酒白衣佳節近東

籬聊欲寄幽探

送宋山言歸商丘

君才豈合副車通落落歸裝向宋中驥足從知猶

未展毛錐與世亦何功結交燕市牽情話惜別河

梁正朔風但去三年成賦草好畱五色待楊公

其二

中丞當日在秋曹書閣餘閒接緼袍內賜奇珍都

賞遍

世祖章皇帝賜文康公黃居寀山鷓棘雀圖有宣和小  
爾畫蒲延昌喜封太師圖李伯時旅獒圖范華原雪景

勝流傑

筆並嬉遨

竹垞太史時同子過中  
丞邸第作文翰之會

森嚴坐鎮懷旌節俯仰

微名類桔槔

用莊子語與公別二十  
年修名不立語次慨然

君去趨庭勞致語滄

浪亭畔羨風騷

其三

保陽司馬真吾友此日因君念哲兄夢想已成泉

下別關心不是世中情乍聞植得雙枝秀更喜清

於老鳳聲我愧山王空有句阮家原占竹林名

題畫

萬樹青松嶺上風悠然巖壑此山中何人濯足臨

溪水定是逃名避俗翁

其二

幽深徑路轉逶迤  
瀑水潺潺出谷遲  
定有巖扉託猿鳥  
白雲低處獨歸時

其三

玉剪臨春上下飛  
梨花開處冷侵衣  
此中好取袁時句  
題寫黃筌畫入微

其四

四山秋色晚參差  
獨棹扁舟去自遲  
水影天光清絕處  
幽人合有往來詩

題顧俠君小秀野四絕

玉泉遶郭卽滄浪  
庭舍秋清傍帝鄉  
暫遠故山歸

夢隔依然還是讀書堂

其二

衰草啼螿出短籬  
題來查浦筆端奇  
查德尹書小秀野額并題四絕句獨

擅其妙麥光裁取還成帙  
簡點分徵秀野詩

其三

秀野前身是野王  
一時才藻見光芒  
百家更輯元人集  
論次生平與表章

其四

應有蒙紗入鎖闈  
文章都與主司違  
乙科位置吾方惜  
只當劉蕢下第歸

題勤郡王畫白菊

春月那及秋月明春風不比秋風清可憐白菊天  
然色只向紅蘭室裏生

張司業招同諸公小集有作

世好相逢一倍親清風灑灑及花晨盈前圖史供

鉤索入座談諧忘主賓海燄細嘗魚味美

海燄形最細而色紅紅香小擘荔房新

盤中有香荔甚小而無核風情堪繼蘇  
司業醉酒無嫌杜老貧

夏夕寓堂獨坐

的的飛螢火暗流堂前獨作小淹雷花叢濕處深  
霑露月色清來漸入秋枝鵲擇棲高自穩砌蟲絮  
語欲何求良宵偶得閒心事正好茶香啜一甌

和乾齋弟白丁香

紫雲深院獨翱翔植得孤株儘自芳小折乍疑垂  
綬重叢苞悄愛隔簾香晴收曉露瓊枝麗暖拂東  
風燕子忙奈此春條堪綰結洛中惆悵李星郎

其二

養成鷄舌最高枝開共天桃稍較遲深占小齋幽

可賞

少陵詩深裁小齋幽後庶幾幽人占云云斜施步障恰相宜繁英絕異

江南種素艷惟存杜老詩欲爲此花添故實聯吟  
畱與後人知

寄張博山

時在賈黃州幕來書欲索十三行那識春朝分外忙寄語扇頭無

暇作附他驛使入歸囊

其二

官奴手腕最風流後世何人敢與儔當代知名應  
謬許遠勞緘札自黃州

其三

皓月臨江上竹樓古來名士在黃州三年惱亂紅  
塵客只好心隨赤壁遊

丁丑十二月廿日初被大通橋之命東視

河堤有作

分司新命出宸衷疏鑿河渠領大通策馬東來尋  
舊跡流漸南下破春風廿三日立春潤沾百里皆恩澤轉

窮  
運三年勉奏功自是聖明勤策畫服勞還念役夫

戊寅二月二日雨中遊月河寺

寺在明成化中  
淮王入朝於東

圖築亭館為憩息之所僧道深有月河寺碑記今尚立  
牆外若一粟軒槐屋聚景亭蝸居諸佳勝皆無可問矣

東風料峭雨絲絲初地從遊獨到遲蒼雪琴聲斷

幽響

道深號蒼雪山  
人有自製石琴

淮王亭館見殘碑

朱竹垞日下舊聞載  
月河寺遺道深碑記

牆圍榆柳將春色門轉河流憶往時一粟早合今  
古意當前清興落吟髭

春日過呂氏園看花三絕

柰子花香日半陰城西怡悵入春林何人畱得春  
長在莫怪蜂狂蝶驟心



其二

迷離煙草帶芳叢欲遣心情付短筇燕子未歸春  
社冷梨花自落夕陽中

其三

版扉雖設晝長支寂莫茶鐺共酒卮雙樹海棠人  
不看名葩正遇我來時

題蘭亭後

臨罷蘭亭墨汁香閒情一榻到羲皇蟬聲入耳初  
無著自覺簾前白日長

題梅太僕桐軒小影

日斤川上水洋洋曾借鳴琴白晝長最識宛陵風

調古更聞餘論接歐陽

先生起家大寧僕時佐安邑辱附僚案之  
末真定相國年伯常為僕稱道故有末句

其二

馭歷名卿十載餘退朝閑晷愛清虛欲知笑裏援  
琴意早會元音太古初

其三

妙絕維揚老畫師畫成風度最清奇蜀桐獨撫吳  
絲靜如對三豪欲動時

通州還至慶豐閘棹船有作

潞河小行役侵曉放船歸柳色禁寒淺春陰閣雨  
微沿流望亭館垂釣愛魚磯忽動江關念何因遂  
拂衣

平林菴晤聖維禪師

族姓曹氏子  
同里人也

三年不到雲深處

菴中題  
額也

遊屐初來豈世緣本是情

親同舊識更思借榻與談禪春風鳥弄花前語午  
梵香清佛座煙笑煞一絲曾不挂無勞著意索魚

牋

聖師欲備筆墨徵  
予書故末句及之

雪霽後赴大通橋書懷

暖融春雪曉光浮河水初添漫漫流不斷層城迷  
宿霧尚餘玉樹倚朱樓吟來畧似揚州句興到渾  
疑剡曲舟隨意川衡足消遣不須三載惜淹留

植山桃二絕

陽和天氣暖融融種得雙桃白間紅一片煙光捲

簾看獨將心跡對春風

其二

閒庭酷愛買花栽春到山桃正欲開牆角亭亭倚  
檐出惜花好鳥便飛來

東便門見柳色悵然有感

五日不向橋上行氍毹已見碧條生撩人弄影太  
無賴拂水含風如有情長日自憐牽遠抱三春誰  
為惜輕盈從知一段閒愁緒縱有吟哦寫不成

卽事

淑景真堪賞公餘且看花暖籠雲氣淡碧轉水痕  
斜仙杏林邊坐天桃樹外車春恬人欲困絕似飲

流霞

春日讌集儀美園

遲日園亭待客遊，依依楊柳弄輕舟。  
花欹芳援紅仍亂，泉引春隄碧欲浮。  
倚棹乍聞歌宛轉，隔林尤愛鳥輶佳。  
時自有怡情地好，勸分司十日留。

其二

誰家別墅帝城東，採擷芳香定幾叢。  
老去尚添吟咏興，春來偏惱妬花風。  
多情莫縮韶華住，取醉寧教酒醖空。  
怪煞黃鸝催客散，斜陽歸騎又匆匆。

雨中看杏花陪紅蘭雪齋兩殿下泊博問

亭將軍孔東塘同曹尚端文公子顧爾

立山人根潔大師兒泰侍席分得庚字

隱隱輕雷雨復晴，杏林曾共惜花行。  
香泥遶路沾猶濕，蝶粉初飛夢不成。  
春老乍通牆外面，人間苦戀酒邊情。  
斜陽樹底來年約，一色殘紅十里明。

遊博將軍園亭

芳林逶迤傍晴川，兼有微風與淡煙。  
幾樹可憐惟柳色，一年無那是春天。  
阻人恐著催花雨，遣興聊登載酒船。  
尋向東臯乘醉去，不知有夢在誰邊。

昌運宮看松

宮在廣源牖南里許，明正德間宦者張永奏建，永墓在宮西。

白栝森森冷道宮，異時猶說永張公。

宮前人呼永為永張公。如何

不建勤民策，却費當年土木功。

宮之殿宇樓閣數重，所費不下數十萬金。

其二

天矯雲龍拔地姿宮前數遍廿三株

大殿前七玉皇閣前十二天母閣前

四皆兩三抱

武皇舊事荒唐甚惟有蒼松老更殊

通州舟次

勝日來尋潞水邊中流簫鼓放樓船揚帆若便移  
官去櫻荀江南正好天

平津舟次

九十殘春去已賒綠陰幾處試新鴉自然物色知  
時節沿水菖蒲又著花

暴棄詩

梨州菱矣亭林死浙水東西有二君竹垞削成精

潔體葦間窅入歐蘇羣斯人已可傳千古餘子還  
期張一軍莫笑年來甘暴棄老夫因此不為文

其二

餘光只作井中窺讀破羣書定是誰畫虎恐教明  
眼識雕蟲豈假壯夫為優遊偃息藏真意月露風  
雲任一時莫笑年來甘暴棄老夫因此不為詩

其三

鍾王隸則盡成虛篆籀徒勞考古初只與華亭尊  
俎豆稍將天水灑蟾蜍仙人繞樹非無態美女低  
腰總愛渠莫笑年來甘暴棄老夫因此不為書

送澹人宮詹學士請告終養還里

稽奚疎束幾流傳奕葉光承祖德綿王氏多才偏  
我拙于門果大賴公賢纂書久領青宮秩賜第深  
居太液邊醜酒乾餽渾舍喜雲泥未礙託班聯

其二

飛騫一自入金門三十餘年結主恩時被詞頭當  
內制屢從秘對進嘉言談經舊德孚儲貳扈蹕丹  
心拱至尊功業文章俱不負歸來還許事晨昏

其三

花發潘園奉板輿碧鱸紅稻傍村居從來出處覘  
真學千古心期在著書溫語獨隆辭陞日斑衣更  
喜退閒初宗門佇送津亭畔顛悴郎官尚念余

通州道中

午日蒙雲重涼風逼水生解衣攜酒坐鼓棹復東  
行鴨唼塘蒲老蟬嘶岸柳清輸他林下叟揮扇足  
幽情

其二

鬱鬱川衡道黃雲報麥秋提筐村有婦絆轂路眠  
牛世上分張事田家力作謀綠陰深柳巷茅屋枕  
長流

其三

溯昔尋源者元時始郭公衆流盡東滙一畝自西  
通環繞依星象高低度土工至今來職貢俯仰見

遺功

通惠河開鑿始于元初郭守敬其置牐高下規制甚善

其四

蓄水臨高牐奔濤下雪山此河關國脉萬艘運通  
灣豸虫 成績平江杳莫攀慚予後來者開鑿二

門間

多史吳仲明嘉靖間開濬功成擢為知府平江陳瑄也亦經理此河

出通州北門放船過白蓮寺

稻畦荷港帶垂虹蘆荻沙汀放短篷寂寂精藍深  
繞樹盈盈野水遠含風江村句想追坡老小景身  
疑對惠崇偏怪好懷禁不得愁聲兩岸起秋蟲

含香集卷之三

終

春藹堂集卷之四

貴州石阡府知府前誥授奉政大夫戶部湖廣司郎中奉命監督寶泉局大通橋海寧陳奕禧書泉

含香集卷之二

晚至通州

扁舟迎爽氣暝色好同乘樹影清秋月人聲遠岸  
燈雞棲徒自惜野趣竟何曾此意憐漁者臨淵獨  
下罾

題盧中丞小照

功業文章百代賢千尋楨幹久摩天東山其奈蒼  
生望泉石煙霞意自全

其二

雅有青衣侍短筇黃花淡淡見秋容悠然獨坐丹  
巖者曾在蓬萊第一峯

悼亡詩

髣髴形容尚若存私懷有語與誰論一絲抽繭何  
時盡半醺燃膏傍夜昏緬矣縱能長入夢偃然其  
奈獨銷魂隙風戚戚餘寒在衾簟香殘只自溫

其二

悵恍春光一月餘浮生泡幻果何殊茵幃無復同  
言笑奩匣依然在坐隅弱子宵闌聞暗泣侍兒曉  
起忍頻呼向來相對尋常事剩下空房一老夫

其三

情同奉倩欲亡軀達愧蒙莊也自愚每遇食時偏  
作咽獨開卷處忽長吁纏繇晚景傷離別想望遺  
音出畫圖舊有小照極真如此沉憂永幽隔雪霜變盡幾莖  
鬚

其四

翰林隻鳥欲何之一宿真成百轉思拚使官情無  
意了算將身事問心知拂塵人自眠長簟繞榻梅  
猶發故枝閣中舊有紅白三盆梅今已著花微覺曉寒添被暖夢中開眼  
是吾兒

其五

豈料玉琴絃已斷金徽從此永無情當窻寂寂縈

蛛網挂壁蕭蕭對雨聲  
剩得寸腸迴九轉暗銷啼  
血過三更極知恨事人  
皆有最苦衰翁便隔生

其六

撫時觸物便疑猜  
多謝交親勸舉杯  
微雪暗飄全礙月  
東風轉瞬却殘梅  
若爲夢裏吟髭落也  
遣尊前笑口開  
只是曲終人散後  
夜深燈火獨歸來

其七

不識春光與日光  
都將心跡付荒唐  
誰知世界愁多少  
欲問窮泉路渺茫  
綠草無情生短砌  
東風隨意入閒房  
好花滿院無人看  
獨立花前一斷腸

大兄同諸兄弟夜坐拈出五字爲韻率步

三首末章紀開河事也

先緒徒荒漫入貲  
不才良苦學爲箕  
委蛇退食寧同蔗  
服事分曹獨守雌  
雅會聯章形和荅  
衰年覽鏡敢嗟咨  
平生尚念曾懷抱  
莫惜因時任等夷

其二

計拙曾無干日貲  
蕭閒嬾性坐還箕  
愁消綠蟻盃中聖  
笑拂青蓮匣裏雌  
花發要尋兄弟賞  
詩成未許俗人咨  
談深街鼓催歸急  
更淪清泉試武夷

其三

經營不費水衡貲  
檢畫星纏應尾箕  
新集帆檣風似馬  
闢開河漢地爲雌  
轉輸有數遵程限

定限每日  
運漕三萬



石入疏鑿成功本 帝咨民力無勞庾廩實波瀾  
京倉安穩効馮夷

八月六日丙齋大兄招同兄弟讌集往通  
州不及赴歸途却寄

扁舟載得晚涼歸月帶昏星幾點稀曲淑正依蘭  
槳轉高齋遙想羽觴飛風簾薄醉頻移榻露水初  
零暗上衣不道家庭小離別也教數定莫能違

題少司馬張曼園像

緯武經文一代儒廿年纓冕陟天衢兵戎區畫勞  
公甚尚有閒心落泖湖

其二

松陰竹色下軒楹巖壑廻環作畫屏忽使披圖瞻  
氣象儼然麟閣見丹青

宛平公別業在南西門外數里入園作小  
書屋數間西出長廊便見隙地方可十  
畝中建一亭圍亭盡種芍藥開百萬朶  
燦若雲錦載酒客來徘徊瞻眺吟賞景  
光牽情美麗洵皇都之劇觀真承平之  
盛事予邀同邑諸公讌樂紀之以詩

芍藥花殘著雨絲勝遊莫訝出郊遲如雲載酒三  
千客似錦圍亭十萬枝曲水咏歌纓紱暇平泉草  
木太平時佳招好續同鄉會歸路抒情寄所知

咏琴

落拓縑塵二十年元音有曲意中傳阜財解愠中  
條下曾向薰風識舜絃

其二

欲寄深情雅操中世間榮悴等閒空芳蘭如此誰  
為採習習高齋對晚風

其三

蒼茫山水共高深賢者怡神別有心三疊胎仙還  
自舞七條絃外嘆知音

其四

到今猶耳子昂名燕市悲歌不世情一段焦桐何

足貴千金能使衆人驚

舜徒太守得徽州在敝齋盤桓半載將赴

任夢巖明府擢刺沁州於閏七月十一

日始至舊寅共聚余獨畱滯未遷者五

年矣燈下用題舜徒小照韻作三絕句

風風雨雨作秋陰良友多慚共遠尋醉後相看仍

不寐三人秉燭說同心

其二

新安聞說有棠陰卅載非遙尚可尋今日送君從

此去更期相繼昔人心

夢巖尊君平旆公會于順治中  
守徽州舜徒將蒞此邦故及之

其三

白頭郎署惜光陰枉尺何曾見直尋歎息朋從多  
漸遠獨牽鱸膾故鄉心

題盧舜徒小照

淡淡孤雲送遠陰危巖壁立俯千尋要知獨坐臨  
流處一片滄波萬里心

往通州途中漫成

兩載川衡轉運功今朝又挂布帆東鷺鳧野岸瀾  
瀾水禾黍秋原浙浙風高鳥獨歸殘照外晚山半  
入亂雲中淡然心事憑誰識一笑吟成意未窮

其二

蓮褪紅衣未盡香蝶飛瘦粉過寒塘多情秋思偏

相觸無限東流任自長新月晚風雖婉約暮蟬衰  
柳却淒涼人生此恨何由遣卽醉千杯豈易忘

題沈南季吉士畫冊

墨池濡染翰林才佳水佳山幾幅開秋樹寒溪共  
清瘦好容懶瓚此中來

其二

無人到此息塵蹤灑灑飛泉挂玉龍巖壑幽深誰  
管領茆亭南畔五株松

元夕後二日

雪融泥淖路何長懶趁街頭擔子忙酒錢只須邀  
酌酹流年不耐細思量春光苒苒已半月燈事匆

多又一場可惜軒纓如夢裏獨吟還倚讀書堂

詠史

皇甫德參

洛宮高髻駁疏章賴有文貞論激昂勉強納言貞  
觀主邑丞猶得拜臺郎

高季輔

庸才捧檄皆干祿志士持身不負官善得世情高  
季輔幾人清白免饑寒

盧祖尚

交州都督遠何妨頓使君臣兩不臧一落歐刀已  
無及尚畱餘悔在朝堂

柳璨

巢出窻句天地昏播遷何處是君門可憐柳璨唐  
家士到底捐軀爲賊温

蘇循

延喜門前上馬時梁王更進桺枝辭如何灞水青  
青色獨與縑郎話別遲

九王

一自東遷到洛陽已知國破與家亡淒其春社梨  
花雨九曲池頭痛九王

春日即事

嫩綠新紅幾幹斜年年排遣客中家人將春困當

長晝風過閒庭自落花不向世途關得失誰知門  
內有煙霞鬢絲未必東君笑憑仗衰翁管物華

花下即事用前韻

堆牀圖史任橫斜結束蝸廬小住家官冷不言天  
下事心閒只問洛中花塵迷車騎紛流水天與文  
章爛綺霞須識風光暗流轉自然秋實與春華

雨中即事次前韻

霖霖兼風整復斜閒門岑冢似三家潤霑小徑新  
抽綠寒勒南檐欲放花茗椀多情供笑樂墨池餘  
興鬪雲霞當前莫問陰晴事漫檢春明憶夢華

潞水舟中

野色延遙矚輕舸受便風鳥聲新綠外人語曉煙  
中地遠塵應少波明慮亦空得於來往慣俯仰見  
心胸

謝石門吳匪菴副憲惠紙墨

台州宣歙舊曾爲近出華亭擬昔時笑煞塗鴉應  
枉費元輿寧免剝藤悲

其二

白髮郎潛六載餘虛名其奈內慚何煙螺滿匣勞  
持贈只恐癡人未解磨

次求夏姪韻送石倉姪遊宣化二絕句

荆山泣玉豈相明得失徒勞世重輕自有吾家湖

海氣何妨墜落杏園名

其二

款段徐乘穩似船北遊空口幾時還傳經自是君  
能事教得門徒已及肩

再次前韻二首

臨寒短策赴春明悵望風前別語輕負爾金錢房  
內卜家書不敢說題名

其二

盡將坎壈付觥船絳帳相依又北還邊塞正當無  
事日好將風景入吟肩

題長山吳旋公遺墨

有序

旋公名凱長山茂才也明天啟間有欲  
薦爲闈幕者凱正色叱之時王吏部象  
春有芝蘭生谷中幽隱自含芳兔絲附  
蔦蘿蔓延結高崗之句戊寅之變以不  
屈殉見濟南府人物志康熙己卯孫長  
榮刻其生前所存翰墨以徵題句不特  
其人足傳即筆墨清雋亦非常流可幾  
及遂書以歸之恐鄙言不足增重也

歲厄龍蛇遇戊寅濟南名士以身殉綱常本欲扶  
千載餘事鐫畱翰墨新

其二

撫取風姿落剡藤空齋傳榻響登登遙思寄我東  
來意鑒賞猶能識傅朋

為王敏行郎中題韋之員外弟指頭畫冊

蘭

染指叢生玉梗長若為幽谷靜年芳不須甲煎添  
金鴨簾外清風滿座香

敗蕉

欲寫愁心半未成秋來寥落不勝情聞牀衾篔簹深  
燈暗聽得窻前夜雨聲

敗荷鷺絲

隨意蓮生隨意枝汗泥曾不染汗泥此中誰點天

機破一箇窺魚雪鷺絲

韋之員外弟為王潛夫畫蘆鴈二一集沙

上昂首而鳴一飛將下迴顧似有所語

者潛夫屬余題為書斷句

南歸愛占荻蘆洲杳渺晴空一片秋何事飛鳴兩  
迴顧大都不免稻梁謀

為王敏行郎中題王石谷雪景卷二首

高人於此著亭臺冷壑寒林面面開為愛右丞詩  
意好扁舟却到輞川來

太倉名繪數三王畱得耕煙獨擅場

太倉三王太原奉  
常公煙客時敏琅

擲太守公玄照鑑及布衣石  
谷暈也石谷自號耕煙散人

當暑者披圖恣流賞更添高臥



北窻涼

題秋海棠淡竹葉

秋來紅粉惜娉婷  
曉露將晞鴨跖青  
愛煞生綃寫  
花色折枝疑在研頭瓶

水仙

幾莖斜颭碧琅玕  
不是梅花不是蘭  
鏡裏素娥呼  
欲出簾前春雨夜多寒

五月二十一日宣城梅耦長潛江朱悔人

侯官林吉人同里查夏重楊次也同集

寓齋竟日辱有贈言和荅

北窻涼應麥秋天洛下同時集衆賢幾日招攜存

夙好廿年離合信  
因緣素心不鄙茹  
蔬供佳句慙

將翰檀傳

諸公謬以翰里推許

欲比西園畱勝事  
夜歸乘興各

陶然

東耦長孝廉乞畫

山川久欲發精靈  
二百年來見典刑  
我嗜宛陵風  
義古思君爲寫景梅亭

其二

相見情親眼倍青  
孤雲衆鳥自冥冥  
京塵且厭無  
山看更乞含毫貌敬亭

王舍人赤抒聞設蔬集同人會食成十二

韻奉次一首

門限鐵不累，縑素積已壅。自娛墨池趣，未妨員外  
冗。仿古病效顰，對客意先恐。諸賢才藻多，落紙波  
濤涌。筆老苦笨鈍，腕重傷擁腫。一笑且就餐盤堆  
荳芽，八種謂二菲也餽茄瓠，美味豈羞十八種。世說魏季宗食菲，菲李元裕曰：季令公一食十  
分畦壟。譽語狗虛聲，誘我聊假寵。我跡等匏瓜，我  
駮如木俑。更讀會食篇，疇能復繼踵。

次答赤抒舍人乞書疊韻

荒齋綠陰滿，深夏森蔽壅。閉門謝車馬，息影消閒  
冗。扇簟雅靜便，衣冠實大恐。鑿冰肅以寒，浸菓浮  
且涌。酒注椰壺香，飲覆瓿瓢腫。側理研光澤，鈇鋒  
擇毳毼。雖復利揮灑，何心及書種。和章去方瞬，疊  
韻來倍勇。急徵儼催符，情農拚癢壟。閣筆負藏弃，  
賺詩冒光寵。聊學忘懷人，不為發機俑。期君乘涼  
過蕭閒，息深踵。

韋之員外弟思晤梅耦長孀廉六月六日

同會于寓齋，韋之以指頭作畫耦長疊  
腫字韻，紀其事。率爾再次答之時，呂大  
風王赤抒潘東方汪澄菴甘懷遠求夏  
千頃兩姪同在座。

渤海慕宛陵，援引敢滯壅。置酒良宴會，撥却川衡  
冗。詩畫張兩軍，堂堂各無恐。畫創指頭活，韋之自號指頭生活

詩劃峽流涌潑墨一丈紙

韋之為予作二鷹子長幅頃刻立就顧盼如生

落韻三

疊腫補長此詩已第三疊矣疾掃古調奇奮掠秋翎翫我如漁

弋者絕叫收種種為結二君歡翻獲兼人勇甘心

賤丈夫望此左右龍羣賢笑哄堂妬殺巾箱寵寶

之真以命誰嗤敬仁俯取益垂千秋茲事當企踵

庚辰六月次漁洋夫子韻恭送杜老夫子

予告南歸

煙簑風味勝華貂早勒旂常仰大僚為愛披襟娛

綠野却辭曳履上丹霄七兵久典清沙漠三禮新

成輔聖朝乞得鴛鴦湖一曲南樓長聽雨瀟瀟

其二

忽漫睽違別思迷灞橋東去柳枝低空天自遠雲

中鶴清夢初聞野外雞丘壑閒情煙水濶夔龍盛

業簡編齊何蕃六館承提命卅載猶慙枳棘棲公為

少司成時禧入雍校藝蒙拔第一

為秦侍讀題蔡岡南畫山水冊六頁即用

其自題韻

林巒深淺靄雲煙點出濃陰送雨天小閣寄情書

畫好滄江宛入米家船

其二

獨伴青山不結鄰窻臨湖水淨無塵孤懷自許遺

名利扶杖幽深更有人

其三

江邊閒煞釣魚磯  
落落何人遂拂衣也  
笑冥鴻飛自倦  
嶺頭回首夕陽微

其四

不論寂靜與囂喧  
當面機關別有天  
柏子自生松粒老  
試參微意是何年

其五

何處沿洄廿里谿  
夾溪羣聳碧峰齊  
溪圍村落峰藏寺  
好似西溪西復西

其六

別後相思費遠心  
雨深官閣見山林  
今日和君六

絕句幾時拍手大家吟

題畫鵝

谿水沿洄碧似苔  
一羣白羽雪皚皚  
山陰道士如相問  
幾字何曾換得來

六月初八日夜雨不止

墨雲載雨自天西  
驟勢隨風打閣低  
頗愛清陰洗庭樹也  
驅煩暑快幽棲  
只愁水盛河流溢  
又怕泥深轍跡迷  
我有川衡搬運責  
此心極欲掃陰霓

其二

一宵猛雨似翻盆  
臥榻書牀盡漏痕  
屢笑遷移老人坐  
忙收牋牘侍兒煩  
忽驚掣電穿窻月  
雜倒轟

雷比舍垣星見猪妖宜應此天官何事不曾言五

初旬太白經天至今未滅廿六日爛麵術術猪生十四子其一入首人身惟耳與蹄不變落地仍作兒啼其家以鹽醃之索觀者人需錢一文

十二日以事至高碑店

雖是分司亦散臣郊垌却得避紅塵蟬嘶夕照扁舟遠雨過迴塘綠樹新林墅每牽招隱志煙波何異浪遊人相看柱頰城陰返爽氣西山十倍親

寄歌者沈郎

京華聊爾解心情愛聽輕喉按拍聲一自沈郎歸去後梁間空有月華明

其二

整然相見在歌筵相向凝眸各自憐一種名家端

麗處眼波輕不到人前

宿川衡署


老去閒情淡堂虛夜景沉殘蟾含野靄寒樹落餘陰響近官漕水聲高別院砧此時惟一醉枕上寄微吟

題畫木芙蓉

誰將妙意寫秋容寂寞經秋色尚濃喚作拒霜人不信只教指點是芙蓉

含香集卷之四終





大正十一年六月

三

